



謝祥皓
劉申寧
輯

孫子集成

郭化若題



齊魯書社

爲本書的編纂工作提供支持與幫助的單位

主要有：

山東省惠民縣人民政府

山東社會科學院儒學所、歷史所、圖書館

曲阜師範大學孔子研究所

中國人民解放軍軍事科學院

上海圖書館

山東省圖書館

上海辭書出版社圖書館

復旦大學圖書館

四川省圖書館

重慶圖書館

湖北省圖書館

孫子集註序



國朝
加
法
原

夫國先六職樞則本兵民利
五材要存經武兵之不可偃
於天下也久矣巫醫藥工匠
石韋史咸綜典則以奏巧績

矧兵之為用至大獨可汗漫
施姑試役耶是故風牧弼軒
轅握竒翔而神譎殄姬呂建
豐鄣鈐韜秩而廉鄂馘憲章
託負紀藝甄懲域代而虬躍

鬼隱而天入夫然後敵人者
智救勇屈靡焉摧折良有以
也石之於礮也水之於石也
土之於水也至則糜衝則潰
擁則坻機也勢也情也各有

攸施維法廼總攝焉三代而
下申軍法者百八十餘家而
約以博詳以簡譎以正昭以
隱莫善於孫武氏後世談兵
者孰踰其範圍哉故順而循

之勝逆而運之勝變而通之
勝陽而誑之勝幾希乎聖且
神矣推衍夔翼昭揭義意為
之疏釋者無慮數十家而惟
魏武以下十有一氏殆庶幾

孫子集言卷三
爲吾嘗即是而品第之則操
與佑也爲上蓋二公者躬陟
行伍親冒矢石是故言而審
也李筌張預錯援數術杜牧
陳皞循翼旨義於學者有無

資焉賈林王哲而下則剔釋
鈎引白面之談矮人之觀而
已其能悉指而洞究乎然亦
時協旁測君子庸有取也是
註為中丞談公刻於虔臺而

有關畧高郵韓齋李君篤學
好古手不釋卷至於乾象三
式之說亦多寃心暇取諸家
疏義而校正之乞敘言於予
予事儒術軍旅未之學也因

其請推之以經義舍馮暴以
好謀循和義而求律綏治保
氓先王亦秉衷焉則是刻也
毘治世資國坊厥功懋矣敘
也其奚辭

隆慶壬申歲仲夏吉日

高州府推官錢塘達泉施之

藩書

不必拘廟堂之說
正其真偽情理
天運轉且心先計
其後我五事然後
行於廟堂臨敵之
同

孫子集註卷之一



孫子曰兵者國之大事

計篇曹操曰計者選將量敵度地料卒遠近
上也太一通甲先以計神加德宮以斷主客
成敗故孫子論兵亦以計為篇首○柱牧曰
計筭也曰計筭何事曰下之五事所謂道天
地將法也曰計筭何事曰下之五事所謂道天
筭優劣然後定勝負勝負既定然後與師動
衆用兵之道莫先此五事故著為篇首耳○
王智曰計者謂計主將天地法令兵衆士卒
賞罰也○張預曰管子曰計先定於內而後
兵出境故用兵之道以計為首也或曰曰兵貴
臨敵制宜曹公謂計於廟堂者何也曰將之
賢愚敵之強弱地之遠近兵之衆寡安得不
先計之及乎兩軍相值非可以勝度也

杜牧曰傳曰國之大事在祀與戎○張預曰國之安危在兵故講武練兵實先務也

死生之地存亡之道不可不察也

李筌曰兵者凶器死生存亡繫於此矣是以重之恐人輕行者也○杜牧曰國之存亡人之死生皆由於兵故須審察也○賈林曰地猶所也亦謂陳師振旅戰陳之地得其利則生失其便則死故曰死生之地道者權機立勝之道得之則存失之則亡故曰不可不察也書曰有存道者輔而固之有亡道者推而亡之○梅堯臣曰地有死生之勢戰

有存亡之道○王皙曰兵舉則死生存亡繫之○
張預曰民之死生兆於此則國之存亡見於彼○
死生曰地存亡曰道者以死生在勝負之地而存
亡繫得失之道也得不重慎審察乎
故經之以五事校之以計而索其情

○曹操曰謂下五事七計求彼我之情也○李筌曰
謂下五事也校量也量計遠近而求物情以應敵
○杜牧曰經者經度也五者卽下所謂五事也校
者校量也計者卽篇首計筭也索者搜索也情者
彼我之情也此言先須經度五事之優劣次復校

量計筭之得失然後始可搜索彼我勝負之情狀
○賈林曰校量彼我之計謀搜索兩軍之情實則
長短可知勝負易見○梅堯臣曰經紀五事校定
計利○王皙曰經常也又經緯也計者謂下七計
索盡也兵之大經不出道天地將法耳就而校之
以七計然後能盡彼已勝負之情狀也○張預曰
經經緯也上先經緯五事之次序下乃用五事以
校計彼我之優劣探索勝負之情狀

一曰道

張預曰恩信於民

二曰天

張預曰上順天時

三曰地

張預曰下知地利

四曰將

張預曰委任賢能

五曰法

杜牧曰此之謂五事也。王哲曰此經之五事也。夫用兵之道人和為本。天時與地利則其助也。三者具然後議舉兵。兵舉必須將能。將能然後法修。